

ত্ৰিপুৰা হাফাঙ
ককখুম তেই হুকুম দাগিখুঙ

স-৩৪০৭

আগৰতলা, ২৭ অক্টোবৰ, ২০২৫

**হেডলাইনস ত্ৰিপুৰা ন্যাশনালনি সারদসম্মান য়াফাৰমুঙ পানদাঅ মন্ত্ৰি অকীরা
হাসতে হাফাঙ তঙকীচাঙনি হালকন' তেইব' কীৰাক খীলায়ীই হাসতেন'
হামকীরাইনি বিসিংতীই কুচুক রেম' তিসানা নায়াই তঙগ'**

তঙথথক অসা তেরন' কিতিংগীই তাবুক হাসতেনি হুকুম মুকুমুনি লগি লগি রাঙথঙনিব' হামকীরাই
আংখা। হাসতে হাফাঙ হাসতেনি জত' বাঁখাগ'ন হামকীরাইনি ফায়সিংগ' নাহাৰাই সীকাঙগীই তঙগ'। থাংনাই ২৬
অক্টোবৰঅ রবীন্দ্র শতবাৰ্ষিকী ভবনঅ হেডলাইনস ত্ৰিপুৰা ন্যাশনালবাই লুডাজিজাক সারদসম্মান য়াফাৰমুঙ পানদাঅ
পানদান' ফিয়কনাই তেই নাৰুডাই অকীরা আংগীই কক নাৰীকমুঙগ' অ কক সাখা প্ৰফেসৰ (ডা.) মানিক সাহা। ব
সাখা, হাসতে হাফাঙ তঙকীচাঙনি হালকন' তেইব' কীৰাক খীলায়ীই হাসতেন' হামকীরাইনি বিসিংতীই কুচুক রেম'
তিসানা নায়া'। জুদা জুদা ককতীমা খীলায়থানি মিডিয়াৰগনি বিসিংগ' কায়সা নাইথথক বাতায়লায়মুঙ তঙনানি নাংগ'।
জতন' এ আই তাঙসেপন' তীয়াই তেইব' সিনানি নাংগ'। এ আই তাঙসেপন' সামুঙগ' ফীনাংফুকু বিনি কীবাংমা
নেগোটিভৰগ তঙমান' তীয়াই হজাক তঙনানি নাংনাই। মুইতু তঙনা নাংনাই জত' সামুঙগন' কলমতীই খিকীলায়নান'
কাৰীই তেই মুঙসা লামা কাৰীই। জতন' সাকনি রাঙমুঙন' ফুডাৰমানি বিসিংতীই সাকনি সয় লামান' সীনামনানি নাংনাই।
ব সাখা, হাসতেনি ক্লাব তেই জুদা জুদা লুকুবসঙ হামকীরাইনি মথারগ লুকুবসঙনি হামকীরাইনি সামুঙ তাঙমানি লগি
লগি লুকুবসঙনি রাইদাৰগন' তীয়াই হজাক খীলায়থানি অব' সীকাঙগীই তঙগ'। অব' হাইৰগ সীকাঙগ' তঙমানিয়া।
হাইফান' মিডিয়াঅ ককতীমা বিথানিঅ তেইব' হজাক তঙনানি নাংনাই। ব সাখা, হাফাঙ কীবাংমা ক্লাব তেই মথারগনি
আদঙৰগবাই কক সালয়াই বৰগনি জীংজালন' সৰু'মরনাঅ সাকথারীই তঙগ'। অসা মীতায়নি লগি লগি কানিৰ্ভাল
পানদা হাসতে গীনাংগীই তেঅ সীলায়জাকখা। সীকাঙগ' আগৰতলানি দশমীঘাটঅ তঙরাইদা কাৰীই তঙমানি। তাবুক
দশমীঘাটঅ হাফাঙনি বিসিংতীই কীতাল কীতাল দালবিদাল তঙরাইদা সীনামজাকখা। মন্ত্ৰি অকীরা সাখা, হাকতৰনি
নীতি আয়োগ হাসতেনি হামকীরাইনি বাৰ্গীই ত্ৰিপুৰান' ফ্ৰন্ট রানার স্টেট হিনাই সাকীলাইখা। মন্ত্ৰি অকীরা সাখা, হাসতে
হাফাঙ সয় লামাতীই হাসতেন' নাইকলমানি বিসিংতীই কুচুক রেম' তীলাংনানি বাৰ্গীই সাকথারজাক। নাৰুডাই মতম
আংগীই এমপি রাজীব ভট্টাচার্য সাখা, হাফাঙ হামকীরাইনি সামুঙনি বিসিংতীই হাসতেন' কায়সা ত্ৰিপুৰা হামসজাক
ত্ৰিপুৰা সীনামনানি নায়াই তঙগ'। হামকীরাইনি বিসিংতীই হাসতেনি বৰকৰগন' থানসা খীলায়ীই তঙনানি নাংনাই।
পানদাঅ নাৰুডাই মতম আংগীই হাসতেনি হুকুবার তেই চাঙফিৰাঙ নাইখুঙনি মন্ত্ৰি রতনলাল নাথ, বোৰায়খিৰি নাইখুঙনি
মন্ত্ৰি সুশান্ত চৌধুৰি, আগৰতলা পুৰ নিগমনি মেয়র হাইয়াথেবা এম এল এ দীপক মজুমদাৰ, দৈনিক সংবাদনি নিউজ
ইডিটর সঞ্চয় পাল, কেৰঙ কাৰীঙ পিয়ুষ কান্তি বিশ্বাস আক'সঙ মানজাক ফায়খা। বৰগন' কাৰীইব' কক নাৰীকখা
বন্ধন ব্যাংকনি চেয়ারম্যান চন্দ্ৰ শেখর ঘোষ, বিবেক নগর রামকৃষ্ণ মিশননি মহাৰাজ স্বামী শুভকামানন্দজি। লামসাৰ্গীই
কক নাৰীকখা হেডলাইনস ত্ৰিপুৰা ন্যাশনালনি অজমা প্ৰনব সরকার। হামবাই য়াফাৰীই কক নাৰীকখা হেডলাইনস ত্ৰিপুৰা
ন্যাশনালনি কলকাতা বেদেকনি প্ৰধান হৃতিক মুখাৰ্জী। সারদসম্মান পানদাঅ হাসতে তেই কলকাতানি সিমি ফায়ীই
ৰীবায়নাইৰগনি বিসিংতীই নাইথথক হুকুম পানদা সঙচাজাকখা। হাসতে তেই হাসতেনি ফাতাৰনিন' খবাই বেবাৰ্গীই
কায় বাচিনীয়া (৫২) ক্লাব তেই লুকুবসঙনি মথারগন' সারদসম্মান বৰম য়াফাৰজাকখা।
